


Baibuli y'Abato erabanjurira

Eiguru, Omwanya Murungi Ogu Ruhanga Araturamu



Ekahandiikwa: Edward Hughes
Omuteezi w'Ebishushwani: Lazarus

Kikavunuurwa: Manuel John Kamugisha Muranga
Kikahindurwamu: Sarah S.

Omugane 60 ahari 60

www.M1914.org

Bible for Children, PO Box 3, Winnipeg, MB R3C 2G1 Canada

Okwikirizibwa: Oraikirizibwa kuhanduukurura, kukora kope nari kuteera
ekyapa omuri ugu mugane, kwonka toraikirizibwa kuguza.

Rukiga

Yesu obu yaabaire ari omu nsi akagambira abeegi be ebirakwata aha Iguru. Akaryeta "Enju ya Taata", kandi yaagira ngu erimu emyanya mingi y'okutuuramu. Ekigambo "emyanya y'okutuuramu" kiramanyisa eka mpango, eboneire. Omu Iguru harahita eka yoona ahansi y'eiguru.



1

Yesu akabagira ati, "Naaza kubatebeekanisiza omwanya. Kandi ku ndyaba naagutebeekaniisize, ndyagaruka mbaakiire, mube naanye." Yesu nyinekwe akatamba omu Iguru obwe amazire kuzooka. Abeegi bakaba bari aho, yaatwarwa ahaiguru baramureeba, ekicu kyamwakiira, tibaashuba kumureeba.



2

Okwiha obwe, Abakristo bagumaga barajuka oku Yesu yaaraganiisize ngu aryagaruka abatware. Yesu akagira ngu aryagaruka kitaraariire, hataine orateekateeka ngu obwe nibwe bunaku bweye bw'okugaruka. Kwonka shi Abaikiriza abarafwa atakagarukire, bo ebyabo ni bita? Baibuli eratugira ngu baafwa bati barashanga Yesu. Okutaba




OKUBA NA MUKAMA

mu mubiri nikwe okuba na Mukama.


3

Ekitabo ekirahereerukayo omu Baibuli, eky' "Okushuuruurwa", kiratugambira oku omu Iguru hari ah'okutangaaza. Ekirakirayo kutangaaza n'okugira ngu omu muringo gw'omutaano, omu Iguru niyo wa Ruhanga, kandi niyo aine Ekitebe kye ky'obukama, nobu ari ahantu hoona.




4

Baamarika n'ebindi ebiri omu Iguru biriyo biraramya Ruhanga. Abantu ba Ruhanga boona abaafwire bakaza omu Iguru, nabo bararamya Ruhanga n'ebyesongoro by'omutaano eby'okumuhimbisa. Ebi ni bimwe aha bigambo bya kimwe aha byeshongoro ebi bareeshongora: OSHEMEREIRE, ...




5

... AHABWOKUBA OTUCUNGURIIRE RUHANGA N'ESHAGAMA YAAWE KURUGA OMU NGANDA ZOONA N'AMAHANGA GOONA, WAATUHINDURA ABAKAMA N'ABANYAMURWA AHABWA RUHANGA WAITU. (Kush 5:9)




6

Empapura ez'aha muheru gwa Baibuli hoonyine zireeta Eiguru "Yerusaalemu Ensyu". Ngu ni hahango munonga, munonga, kandi heehinguririziibwe ekisiika kiraingwa. Aza ekyo kisiika kikoziirwe omu mabaare ga yasipi, agarareeberana nka kristaalo.



7

Omusingye gw'ekyo kisiika gushwekirwe amahunde n'amabaare g'obuguzi bwingi, gakireetere okumurinkana n'amarangi marungi g'okutangaaza. Buri irembo ry'orurembo rikozirwe omu ruuru emwe yonka mpango munonga!



8

Ago marembo mahango g'eruuru tigakingwaga. Ka tutaahemu tuze kureeba ebirimu ... YA MAAWE!
Omu Iguru waatahamu, mwe kandi haboneire n'okukiraho. Orurembo n'orw'ezaabu egyegyeyinwe,

eri nk'ekirahuri
ekirarabwamu
amaisho.
N'enkuuto nayo
n'ey'ezaabu.




9

Omurindi murungi gw'amaizi g'amagara gurasheneneka guraruga aha Kitebe kya Ruhanga eky'Obutegeyeki. Ahari buri rubaju rw'ogwo murindi hariho omuti gw'amagara, ogwabandize kushangwa omu Musiri gwa Edeni. Ogu muti n'ogw'omutaano munonga. Guraana ebijuma by'emiringo ikumi n'ebiri, buri kwezi ebijuma by'omuringo ogwakwe. Kandi amababi g'omuti gw'amagara n'ag'okukiza amahanga.



10

Eiguru tirireetenga eizooba nari okwezi kuhweza. Ekitiinisa kya Mukama kirarijuza omushana gw'okutangaaza. Yo tibukooba nyekiro.



11

Nangwa n'enyamaishwa omu Iguru n'ez'embaganisa. Zoonza n'encureezi, nk'eziratuura n'abantu, kandi zirashemererwa abantu. Emishega n'emyana y'entaama birariira hamwe obunyaasi. Nangwa n'entare, ezo nyamaishwa z'amaani, zirarya ebinyaasi nk'ente. MUKAMA aragira ati, "Tibirihutaaza nari okuhwerekereza aha rushozi rwangye orureera rwena.



12

Twagumizamu turarambura Eiguru, turareeba haine ebi tutakariboinemu. Tihakagizire ekigambo ky'ekiniga eki twahurira. Titukaboine omuntu oreeyendeza nari orarwana.



13

Aha nyigi tihariho nkufuro ahabwokuba omu Iguru tiharimu bashuma. Abanyabishuba, abaisi b'abantu, abarogi, n'abandi bantu babi nabo tibarimu. Omu Iguru tiharimu kibi ky'omuringo gwena.



14



Omu Iguru, ei Ruhanga ari, emiziga haayoyo. Obumwe n'obumwe abantu ba Ruhanga bararira ahabw'obusaasi bwingi omu magara aga. Omu Iguru Ruhanga aryabasangura buri muziga.

15

Omu Iguru muntu'we n'okufwa tikuriyo. Abantu ba Ruhanga baryaguma na Mukama ebiro byona. Tiharibayo busaasi, nari okurira, nari okuhururwa. Tiharibayo ndwara, nari okwahukana, nari okuziika. Omu Iguru buri muntu aryaguma ashemereirwe ebiro byona.



16

Kandi ekirakirayo okubonera, Eiguru n'ery'aboojo n'abahara (nangwa n'abantu abaakuzire nabo) abaikiriize Yesu Kristo nk'Omujuni waabo kandi bakamworobera nka Mukama waabo. Omu Iguru harimu ekitabo ekireetwa Ekitabo ky'Amagara ky'Omwana gw'Entaama. Kijwiremu amaziina g'abantu.

Oramanya abantu abu amaziina gaabo gahandiikirwemu? N'abo boona abareesiga Yesu.




Eryawe eiziina ririmu?

17

Ebigambo by'aha muheru ebi Baibuli eragamba aha Iguru biratweta omuri ugu muringo gw'okutangaaza:

"Mutima na Mugore baragira ngu: 'Ija!' Kandi oraahurire weena k'agire ati: 'Ija!' Kandi oraagire eiriho nawe k'aije. Kandi orenda weena aije ayakiire amaizi



g'amagara - n'aga busha."

18

Eiguru, Omwanya
Murungi Ogu Ruhanga Araturamu

Omugane kuruga omu Kigambo kya Ruhanga,
Baibuli

gurashangwa omuri

Yohaana 14; 2 Abakorinso 5;
Okushuuruurwa 4, 21, 22

"Ebigambo byawe, byashuuruurwa, birareeta omushana." Zaaburi 119:130

Ruhanga aramanya ngu tukozire ebintu bibi, ebi areeta ekibi. Ekibonerezo ky'ekibi n'okufwa.

Ruhanga araturukunda munonga - nikyo yaayohereze Omwana we, Yesu, kufwera aha musharaba nk'ekibonerezo ky'ebibi byaitu. Kwonka Yesu akazooka, yaagaruka omu Iguru! Mbwenu hati Ruhanga arabaasa kusaasira ebibi byaitu. Waaba orenda kuruga omu bibi byawe, gambira Ruhanga oti: Ai Ruhanga, ndaikiriza ngu Yesu akanfwera, kandi hati ariho, ahuriire. Ndakushaba ngu oije omu magara gangye, onsaasire ebibi byangye, ngire amagara masya, reero ngume naiwe ebiro byona. Nkwasa mbeho ahabwawe, nk'omwana waawe. Amiina. Yohaana 3:16

Shoma Baibuli kandi ogambe na Ruhanga buri izooba.